

施注書詩

154840



711.17
S7521

4

施註蘇詩卷之三十一

漫堂先生宋 堦

長洲顧嗣立

樸園先生張榕端

閱定 毗陵邵長蘅 刪補

商丘宋 至

詩三十九首 時守潁州作

葉待制求先墳永慕亭詩

葉待制名康直字景溫建州人擢進士第知光化縣其政務便

民以治績顯歷秦鳳陝西轉運饒澤原師知秦州夏人寇甘谷景溫戒諸將設伏以待殲其二酋自直龍圖閣進待制陝西都轉運

使請亳州召為

兵部侍郎卒

靈區有異產化國無潛珍承平百年閒簪纓半齊民建
谿富奇偉葉氏初隱淪森然見喬木其下維德人佳哉

鬱蔥蔥氣若鳳與麟聯翩出儒將豈惟十朱輪新松無
鹿觸舊柏有烏馴待公歸上冢淚葉乃冒春

漢賈誼傳襲九淵之神龍今沕淵潛以自珍楊惲傳家方隆盛時乘朱輪者十人
晉許孜傳二親沒孜宿墓所列植松柏時有鹿犯其松栽孜悲歎之明日鹿爲猛
獸所殺置於栽下自後樹木滋茂而無犯者唐褚無量傳盧母墓左鹿犯所植松
柏無量號訴曰山林不乏忍犯吾塋樹即自是奉鹿馴擾北史蕭放傳字希逸居
喪廬前有二慈烏各集一樹爲巢馴庭飲啄每到臨時舒翼悲鳴有似助哀也放
與無量二事並互見廿一卷思成堂詩晉王褒傳廬父墓側常攀柏悲號涕淚著
樹樹爲之枯孟郊口薄命妾
行青山有藤無淚葉長不乾

與趙陳同過歐陽叔弼新治小齋戲作

江湖渺故國風雨傾舊廬東來三十年媿此一束書尺
椽亦何有而我常客居羨君開此室容膝真有餘拊牀
琴動搖弄筆牕明虛後夜龍作雨天明雪填渠

公自注時
方禱雨龍

祠作此句時星斗粲然四
更風雨大至明日乃雪

夢回聞剝啄誰乎

一作呼

趙陳子添丁走

沽酒通德起挽蔬主孟當啗我玉鱗金尾魚一醉忘其

家此身自簾條

韓退之示兒詩始我來京師止攜一束書辛勤三十年以有此屋廬此屋豈爲華
於我自有餘通德伶之妾樊通德也已見國語施優謂里克曰主孟啗我注云
大夫之妻從夫稱主而孟則里克妻字也簾條簾竹席已見先生詩話元祐六年
十月二十六日禱雨張龍公會景貺履常歐陽子作詩云夢回聞剝啄誰乎趙
陳子景貺拊掌曰句法甚新前人未有此法季默曰
有之長官請客吏請客目曰主簿少府我卽此語也

聚星堂雪

并引

元祐六年十一月一日禱雨張龍公得小雪與客

會飲聚星堂忽憶歐陽文忠公作守時雪中約客

賦詩禁體物語於艱難中特出奇麗爾來四十餘

年莫有繼者僕以老門生繼公後雖不足追配先生而賓客之美殆不減當時公之二子又適在郡

故輒舉前令各賦一篇

廬陵集載雪詩注云時在潁州作其序曰玉月黎梅練絮白舞鵝鶴銀等字皆請勿用

牕前暗響鳴枯葉龍公試手行初雪映空先集疑有無
作態斜飛正愁絕衆賓起舞風竹亂老守先醉霜松折
恨無翠袖點橫斜祇有微燈照明滅歸來尚喜更鼓暗
晨起不待鈴索掣未嫌長夜作衣袂卻怕初陽生眼纈
欲浮大白追餘賞幸有回飈驚落屑模糊檜頂獨多時
歷亂瓦溝裁一瞥汝南先賢有故事醉翁詩話誰續說
當時號令君聽取白戰不許持寸鐵

歐陽叔弼見訪誦陶淵明事歎其絕識既去感
槩不已而賦此詩

淵明求縣令本緣食不足束帶向督郵小屈未爲辱翻
然賦歸去豈不念窮獨重以五斗米折腰營口腹云何
元相國萬鍾不滿欲胡椒銖兩多安用八百斛以此殺
其身何翅抵鵲玉往者不可悔吾其反自燭

唐元載傳爲相聚斂無涯賜死後籍其家胡椒至
八百石他物稱是鹽鐵論崑山之旁以玉抵烏鵲

喜劉景文至

天明小兒更

平聲

傳呼髯劉已到城南隅尺書真是髯手

迹起坐熨眼知有無今人不作古人事今世有此古丈

夫我聞其來喜欲舞病自能起不用扶江淮旱久塵土
惡朝來清雨濯鬢鬢相看握手兩無事千里一笑無乃
迂平生所樂在吳會老死欲葬杭與蘇過江西來二百
日冷落山水愁吳姝新堤舊井各無恙寥寥六一豈念
吾別後新詩巧摹寫袖中知有錢塘湖

新堤謂所築蘇公堤舊井謂所治唐六井參寥六一
二泉名先生有參寥泉銘又有六一泉銘皆杭州事

禱雨張龍公既應劉景文有詩次韻

張公晚爲龍抑自龍中來伊昔風雲會咄嗟潭洞開精
誠苟可貫賓主真相陪洞簫振羽舞白酒浮雲疊言從
關妃遠去焦氏臺傾倒餅中雨一洗麥上埃破旱不

功乘雲卻空回嗟龍與我輩用意豈遠哉使君今子
義英風冠東萊笑說龍爲友幽明莫相猜

歐陽公集古政尾張龍公碑唐趙耕撰有云公常釣於焦氏臺之陰夫人關州石氏又詳本卷次韻陳履常張公龍潭詩注見後漢書洞簫注云簫之無底者周禮凡舞有帔舞有羽舞又再獻用兩山尊皆有鼎鄭氏注山鼎刻畫爲山雲之形三國志吳太史慈字子義東萊黃人也最有膽烈

劉景文家藏樂天身心問答三首戲書一絕其
後

淵明形神自我樂天身心相物而今月下三人他日當
成幾佛

陶淵明有形贈影影答形神釋三首序云貴賤賢愚莫不營營以惜生斯甚惑焉故極陳形影之苦言神辨自然以釋之好事君子共取其心焉白樂天有心問身身報心心重答身三絕句題云閑臥獨吟無人酬和聊假身心相戲復焉南史孟顓事佛精懇而爲謝靈運所輕嘗謂顓曰得道應須慧業文人生天在靈運前成

佛當在靈
運後再見

西湖戲作

王注杭穎皆有西湖先生連守二州其到穎有謝執政啟云入參兩禁用玷北扉之榮出典二邦輒爲西湖之長

一士千金未易償我從陳趙兩歐陽舉鞭拍手笑山簡
祇有并州一葛強

晉山簡傳兒童歌之曰舉鞭向葛疆何如并州兒疆家在并州簡愛將也又互見前

送歐陽季默赴闕

先生豈止一懷祖郎君不減王文度膝上幾日今白須
令我眼中見此父汝南相從三晦朔君去苦早我來暮
霜風淒緊正脫木穎水清淺可立鷺莫辭白酒瀉香泉
已覺扁舟掠新渡坐看士衡執別手更遣夢得出奇句

郎君可是筦庫人乃使駱驥隨蹇步置之行矣無足道
賢愚豈在遇不遇

晉王述傳字懷祖愛其子坦之雖長大猶抱膝上王坦之傳字文度時人語曰江東獨步王文度王羲之常謂諸子曰吾不減懷祖而位遇懸邈當由汝等不及坦之故耶竝再見晉陸機字士衡弟字士龍唐劉禹錫字夢得按時季默兄叔弼及劉景文在潁故有坐看士衡之句禮記趙文子之於晉國舉管庫者七十餘家杜子美錦樹行天驥跛足隨羸牛

用前韻作雪詩畱景文

萬松嶺上黃千葉載酒年年踏松雪劉郎去後誰復來
花下有人心斷絕東齋夜坐搜雪句兩手龜拆霜須折
無情豈亦畏嘲弄穿簾入戶吹燈滅紛紛兒女爭所似
碧海長鯨君未掣朝來雲漢接天流顧我小詩如點纈

歐陽趙陳在戶外急掃中庭鋪木屑交遊雖似雪柏堅
聚散行作風花瞥晴光融作一尺泥歸有何事真無說
泥乾路穩放君去莫倚馬蹏如踣鐵

莊子不龜手注其藥能令手不龜拆已見白樂天與元九書梁陳閒率不過嘲風
雪弄花草而已杜子美詩未掣鯨魚碧海中晉陶侃傳鎮武昌時造船木屑及竹
頭悉令舉掌之咸不解後正會積雪始晴聽事前餘雪猶濕于是
以屑布地杜子美驄馬行腕促蹏高如踣鐵交河幾蹴層冰裂

和劉景文見贈

元龍本志陋曹吳豪氣崢嶸老不除失路今爲噲等伍
作詩猶似建安初西來爲我風鰲面獨臥無人雪縞廬
畱子非爲十日飲要令安世誦亡書

三國志元龍湖海之士豪氣不除詳已見前漢韓信傳嘗過樊噲噲曰大王乃宵
臨臣信出笑曰生乃與噲等爲伍建安後漢末年號魏文帝典論曰今之文人魯

國孔融文舉廣陵陳琳孔璋山陽王粲仲宣北海徐幹偉長陳雷阮瑀元瑜汝南
應瑒德璉東平劉楨公幹此七子皆在建安時也韓退之薦士詩五言出漢時蘇
李首更號東都漸瀾漫派別百川導建安能者七卓犖變風操列于黃帝篇商丘
開年老力弱面目鰲黑史記范雎傳秦昭王遺平原君書曰君幸過寡人願與君
爲十日之飲漢張安世傳上行幸河東亡書三篋詔問莫能
知惟安世識之具述其事後購求得書以相校無所遺失

和劉景文雪

占雨又得雪龜寧欺我哉似知吾輩喜故及醉中來童

子愁冰硯佳人苦膠

去聲

杯那堪李常侍入蔡夜銜枚

左傳昭二十五年臧昭伯如晉臧會竊其寶龜僂句以下僭吉曰僂句不吾欺也
杜預注僂句龜所出地名王注膠字去聲與白樂天一碟膠牙錫之膠同膠杯雖
出莊子置杯焉則膠而此所謂膠杯乃是酒凍也唐李邕傳討吳元濟夜半
冒雪入駐元濟外宅周禮大司馬篇銜枚而進注枚如箸銜之軍法以止語

次前韻送劉景文

白雲在天不可呼明月豈肯留庭隅怪君西行八百里

清坐十日一事無路人不識呼尚書但見凜凜雄千夫

公自注君一馬兩僕率然相訪
逆旅多呼尚書意謂君都頭也豈知入骨愛詩酒醉倒正欲蛾眉

扶一篇向人寫肝肺四海知我霜鬢須公自注君前有詩見寄
云四海共知霜鬢滿重

陽曾插
菊花無歐陽趙陳皆我有豈謂夫子駕復迂邇來又見三

黜柳共此暖熟餐羶蘇酒肴酸薄紅粉暗祇有潁水清

而妹一朝寂寞風雨散對影誰念月與吾公自注郡中日與歐
陽叔弼趙景貺陳履

常相從而景文復至不數日柳戒之亦見過賓客
之盛頃所未有然又數日叔弼景文戒之皆去矣何時歸帆沂江水春

酒一變甘棠湖公自注景文近下
居九江近甘棠湖

仙傳拾遺穆王觴西王母於瑤池上王母謠曰白雲在天山陵月出道里悠遠山
川閒之唐袁滋傳與之接者皆目謂可見肺肝白樂天對酒詩賴有酒仙相暖熟

餐羶用漢蘇武事庾信山橫門
詩明朝風雨散何處更相尋

以屏山贈歐陽叔弼

漫郎天骨清生與世俗異學道新有得爲貧聊復仕每
於紅塵中嘗起青霞志屏山輟贈子莫遣污簪珥寓目
紫翠閒安眠本非睡夢中化爲鶴飛入長松寺

漫郎用元結傳語屢見江文通恨賦鬱鬱青霞之奇意
杜牧之詩手峰橫紫翠遺教經睡蛇既出乃可安眠

又素輒新渡寺席上次趙景貺陳履常韻送歐陽叔弼

水外此比來諸君唱和叔弼但袖手旁睨而已臨別忽

座不辭出一篇頗有淵明風致坐皆驚歎

神屠不目金妙額惟糲牛更刀乃族庖倚市必醜悍平
生魏公等忽斲郢人墁詩書亦何用適道須此館多言

雖數窮微中或排難子詩如清風簌簌

六收反

發將旦胡爲

久閉匿綺語真自患許時笑我癡隔屋相詠歎竟識彥
道不絕叫呼百萬清朝固多士人門子皆冠莫言清潁
水從此隔河漢異時我獨來得魚楊柳貫持歸不忍食
尺素解淒斷中有清圓句銅丸飛柘彈春愁結凌澌正
待一笑泮百篇儻寄我呻吟鄭人緩

莊子養生主庖丁謂文惠君曰始臣解牛之時所見無非牛者三年之後未嘗見
全牛也又良庖歲更刀割也族庖月更刀折也孫綽天台賦投刀皆虛目牛無全
後漢馬廖上疏長樂宮云長安語曰城中好廣眉四方且半額城中好人袖四方
全疋帛見馬援傳南史梁元帝徐妃以帝眇一目每知帝將至必爲半面妝以俟
晉魏舒傳爲鍾毓長史毓與參佐射舒嘗爲主墨壽而已後遇朋人不足以舒滿數
舒發無不中毓謝而歎曰吾之不足以盡卿材有如此射豈一事哉莊子徐無鬼
郢人堊漫其鼻端若蠅翼使匠石斲之注再見史記滑稽傳談言微中亦可以解
紛魯仲連傳爲人排患釋難陳後主詩見面無多事聞名爾許時晉顧愷之傳與

謝瞻連省夜於月下長詠瞻每遙贊之愷之彌自力瞻將眠令人代已愷之不覺有異俗傳愷之癡絕晉袁耽傳字彥道就局十萬一擲直上百萬投馬絕叫曰竟識袁彥道不詳見六卷會客有美堂詩注南史蔡凝傳上謂凝曰我欲用義興主壻錢肅為黃門郎卿意如何凝曰黃散之職故須人門兼美惟陛下察之唐史李揆傳肅宗謂揆曰卿門地人物文學皆當世第一石鼓文其魚維何維鯁維鯉何以貫之維楊與柳西京雜記長安五陵人以柘木為彈真珠為丸以彈烏鵲南史王筠傳好詩圓美流轉如彈丸再見莊子列禦寇鄭人緩也呻吟裘氏之地祗三年而緩為儒

次韻趙景貺春思且懷吳越山水

歲華來無窮老眼久矣靜春風如繫馬未動意先騁西

湖忽破碎鳥落魚動鏡縈城理枯瀆放闌起膠艇願君

營此樂官事何時竟

公自注清河西湖三閘督君成之

思吳信偶然出處付前

定飄然不繫舟乘此無盡興醉翁行樂處草木皆可敬

明朝游北渚急掃黃葉徑白酒真到齊紅裙已放鄭

公自注酒

尚有香泉一壺爲樂
全先生服不作樂也

莊子列禦寇汎若不繫之舟虛而遨遊者也到齊月世
說青州從事語青州有齊郡從事謂到齊下也注再見

次韻陳履常張公龍潭

先生以十月二十五日禱雨迎龍
公祝辭云謹請州學教授陳師道

并遣男右承務郎迨既禱而獲十一月十日祝辭云玉質金相其
重千鈞惠然自來負者四人脊此行宮爲畱浹辰惟師道迨復餞

公還履常爲教授屬以送迎龍公蛻骨
故詩云念子無吏責十日勤征鞍云云

經明宣城宰家此百尺瀾鄭翁不量力敢以非意干玄
黃雜兩戰絳青表雙蟠烈氣斃强敵仁心惻饑寒精誠
禱必赴苟簡求亦難蕭條麥麴枯浩蕩日月寬念子無
吏責十日勤征鞍春蔬得雨雪少助先生槃龍不憚往
來而我獨宴安閉閣默自責神交清夜闌